

國家圖書館分館編

清代孤本方志選

(第二輯第三十冊) 福建 大田縣志「康熙」十卷首一卷

大田縣志序

嘗考周官外史掌四方之志小
史掌邦國之志凡一時褒宇山
川則壤賦役以及觀民化俗彰
往察來是非褒貶法戒取舍咸
於是焉資志之所繫誠鉅矣癸

步月一

亥冬恭奉

綸音纂脩

大清會典郡邑並上志書備禮臣

采擇時余補佐滇南永昌郡甫

至任未及半載復除知閩延平

郡浹歲之間馳驅萬里永昌郡

志成於余旣去之後延平郡志
成於余未至之先自嗟鞅掌風
塵兩郡志未獲通觀厥成爲歎
公餘閱南劍輿圖知七屬之中
惟大田最險而遠邑爲明季新
造故郡乘紀載寥寥甲子冬田

邑葉令以公事入謁詢及屬邑
形勢會葉令編志初成繕送原
稿咨故寔考時政上述天文下
別地理中詳王制人物等條立
綱者八列目者五十闡微搜逸
鉅細畢陳不以泚筆衡人亦不

以卮言飾事補苴斟酌惟期信
而有徵使余不出九峰三溪之
間而周知民情風氣雖爲大田
一邑之志已具四方邦國之規
焉慨自山海不寧疆場多事田
志闕如已歷百四十載先後游

宦諸公亦奚暇任紀載之責者
今者寰宇清寧文教四訖卽海
外臺灣亦隸爲郡縣制禮作樂
共樂太平葉令能於世遠言湮
之日網羅放失考證精嚴力成
曠典良亦勞矣蓋離之爲邑乘

者合之卽爲郡乘向疑郡乘中
紀載田事寥寥詎知文獻足徵
體裁正大足以羽翼郡乘

今天子稽古右文試持以上之禮
臣獻之

闕下必可以資明備之一助而余

步月


亦得稍紓前日未獲適觀厥成
之歎矣

省

康熙二十四年春正月中浣日

中憲大夫知福建延平府事奉

天吳國柱譔



男月五



序

壬戌夏五候銓部除閩之大
田卽覓輿志塗經皆茫無可
考心竊異之及抵任知邑爲
故明嘉靖乙未年間新造地
當延泉漳三郡之交廣袤三

百里山林深阻教化難通諸
當事憂之奏請增設縣以治
遂裂尤溪三之一德化五之
一永安漳平四之一悉統於
大田是則從前紀載皆散見
諸四邑中固無人爲大田經

界者越十二年而會稽謝公
廷訓來知縣事剏作志書編
爲六卷是時邑當初設事蹟
闕如但梓其大畧存庫歷今
一百四十年矣無論接修無
人卽舊藏刻版亦亾於兵火

前言徃行湮沒無聞恭逢

聖天子雅意右文尊經重史無
者使有缺者使增

國家書乘罔不按部就班復

命天下編葺省志彙呈

秘府以備纂修

會典憲檄屬縣各出志書獨太
田文獻無徵粹無以應蓋明
季年間若有若無

鼎革以後浸弛浸廢官斯土者
簿書鞅掌後先遷去年復一
年版圖變亂於豪強丁產出